



თბილისის ღია სასწავლო უნივერსიტეტის სასწავლო პროცესის მარეგულირებელი წესი

მუხლი 1. ზოგადი დებულებანი

1. უნივერსიტეტის სასწავლო პროცესის მარეგულირებელი წესი (შემდგომში-წესი) არეგულირებს შპს თბილისის ღია სასწავლო უნივერსიტეტში (შემდგომში - უნივერსიტეტი) სასწავლო პროცესის ორგანიზების პროცედურულ საკითხებს, ადგენს სასწავლო პროცესის მონაწილეთა ურთიერთვალდებულებებსა და განსაზღვრავს უნივერსიტეტის აკადემიური საქმიანობის ერთიან მარეგულირებელ ნორმებს.

2. წინამდებარე წესი შესასრულებლად სავალდებულოა უნივერსიტეტის სასწავლო პროცესის ყველა მონაწილის - პროფესორ-მასწავლებელთა პერსონალისა და სტუდენტებისათვის, აგრეთვე სასწავლო პროცესის განხორციელების ხელშემწყობი ადმინისტრაციული პერსონალისათვის.

3. სასწავლო პროცესის ძირითად მიზანს - სწავლების შედეგზე ორიენტირებულ სასწავლო პროცესის რეალიზებას უნივერსიტეტი ახორციელებს შემდეგი სახით:

- უზრუნველყოფს საგანმანათლებლო პროგრამების განხორციელებას შესაბამისი კვალიფიკაციის მქონე აკადემიური/სამეცნიერო და მოწვეული პერსონალის მიერ;
- უზრუნველყოფს საგანმანათლებლო პროგრამების განხორციელებას სათანადო ფინანსური და მატერიალური რესურსებით;
- ნერგავს სტუდენტთა სწავლის შედეგების შეფასების მრავალკომპონენტურ სისტემას და იყენებს საგანმანათლებლო პროგრამების შეფასების საერთო სისტემას, რომლის შედეგები აისახება თვითშეფასების ანგარიშში;
- უზრუნველყოფს უნივერსიტეტში ხარისხის სისტემის მუდმივ სრულყოფას და მის შესაბამისობაში მოყვანას - სწავლა, სწავლება და შეფასების ერთიან ხედვასთან;
- აღიარებს აკადემიური თავისუფლების ურყევ ნებას.

4. სასწავლო პროცესის სტრუქტურა ექვემდებარება მუდმივ მონიტორინგს, განახლებასა და სრულყოფას, ხოლო სწავლების შინაარსი დაფუძნებულია რიგი საუნივერსიტეტო ღირებულებების შექმნაზე და მათ შემდგომ სრულყოფასა და განვითარებაზე.

მუხლი 2. სწავლების ენა

1. უნივერსიტეტში სწავლების ენა არის ქართული. ცალკეულ პროგრამებზე განათლებისა და მეცნიერების სამინისტროსთან შეთანხმებით სწავლება შეიძლება განხორციელდეს სხვა უცხო ენაზეც. მხარეთა შეთანხმებით, სხვა უცხო ენაზე შესაძლებელია ისწავლებოდეს ასევე საგანმანათლებლო პროგრამის ცალკეული სასწავლო კურსები.

მუხლი 3. უნივერსიტეტში სტუდენტის სტატუსის მოპოვება

1. თბილისის ღია სასწავლო უნივერსიტეტი ახორციელებს ბაკალავრიატისა და მაგისტრატურის აკადემიურ საგანმანათლებლო პროგრამებს.

2. უნივერსიტეტის მიერ განხორციელებულ უმაღლესი განათლების პირველ საფეხურზე (ბაკალავრიატში) სტუდენტის სტატუსის მოპოვება ხორციელდება მხოლოდ ერთიანი ეროვნული გამოცდების საფუძველზე ან საქართველოს კანონმდებლობით დადგენილი სხვა წესის შესაბამისად.

2.1. სტუდენტის სტატუსის მოპოვებისათვის ბაკალავრიატის სწავლების საფეხურზე პირი ვალდებულია გაიაროს ერთიანი ეროვნული გამოცდები საქართველოს განათლებისა და მეცნიერების მინისტრის

ბრძანებით დადგენილი წესის შესაბამისად და აბიტურიენტთა ქულების რაწირების დოკუმენტის საფუძველზე მოიპოვოს უნივერსიტეტში სწავლის გაგრძელების უფლება.

2.2. უნივერსიტეტში ჩარიცხვის უფლების მოპოვების შემდეგ, აბიტურიენტი ვალდებულია მიმართოს უნივერსიტეტს განცხადებით ჩარიცხვის თაობაზე.

2.3. სტუდენტის განცხადების და ერთიანი ეროვნული გამოცდების შედეგების საფუძველზე უნივერსიტეტის რექტორი გამოსცემს ბრძანებას უნივერსიტეტში სტუდენტების ჩარიცხვის შესახებ.

2.4. უნივერსიტეტის რექტორის ბრძანება სტუდენტების ჩარიცხვის თაობაზე იგზავნება საქართველოს განათლებისა და მეცნიერების სამინისტროში.

2.5. აბიტურიენტი, რომელიც ადმინისტრაციული რეგისტრაციისათვის განსაზღვრულ ვადებში არ წარმოადგენს სრული ზოგადი განათლების დამადასტურებელ საგანმანათლებლო დოკუმენტს ან სამხედრო განწვევას დაქვემდებარებული აბიტურიენტი, რომელიც არ წარმოადგენს სამხედრო მინერის მოწმობას, შესაძლებელია ჩარიცხოს უნივერსიტეტში მხოლოდ აღნიშნული დოკუმენტაციის უნივერსიტეტის მიერ დადგენილ ვადაში წარმოდგენის პირობით. დოკუმენტების წარმოდგენლობის შემთხვევაში, ჩარიცხვის ბრძანება უქმდება შესაბამისი აბიტურიენტის ჩარიცხვის ნაწილში.

3. უნივერსიტეტის მიერ განხორციელებულ აკადემიური უმაღლესი განათლების მეორე საფეხურზე (მაგისტრატურა) სტუდენტის სტატუსის მოპოვება ხდება საერთო სამაგისტრო გამოცდების შედეგების, სპეციალობაში და უცხო ენაში გამოცდის ჩაბარების საფუძველზე, ან საქართველოს კანონმდებლობით დადგენილი სხვა წესის შესაბამისად.

4. ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტებს/მაგისტრანტობის კანდიდატებს (უცხო ქვეყნის მოქალაქე, მოქალაქეობის არმქონე ან საქართველოს მოქალაქე, რომელიც არანაკლებ ბოლო 2 წლის განმავლობაში ცხოვრობდა საზღვარგარეთ) თოუ-ს სტუდენტის სტატუსი მიენიჭება კანონმდებლობით დადგენილი წესის შესაბამისად, კერძოდ:

4.1 უნივერსიტეტში საბაკალავრო/ერთსაფეხურიან საგანმანათლებლო პროგრამაზე ჩარიცხვის უფლება აქვს:

ა) უცხო ქვეყნის მოქალაქეებს და მოქალაქეობის არმქონე პირებს, რომლებმაც უცხო ქვეყანაში მიიღეს სრული ზოგადი ან მისი ეკვივალენტური განათლება;

ბ) საქართველოს მოქალაქეებს, რომლებმაც უცხო ქვეყანაში მიიღეს სრული ზოგადი ან მისი ეკვივალენტური განათლება და სრული ზოგადი განათლების ბოლო 2 წელი ისწავლეს უცხო ქვეყანაში;

გ) პირებისათვის, რომლებიც სწავლობენ/სწავლობდნენ და მიღებული აქვთ კრედიტები უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლეს საგანმანათლებლო დაწესებულებაში.

4.2. უნივერსიტეტში ჩარიცხვის მსურველი ამ მუხლით განსაზღვრული აბიტურიენტი მიმართავს უნივერსიტეტს, რომელიც ჩატარებული გასაუბრების საფუძველზე იღებს გადაწყვეტილებას მისი უნივერსიტეტში ჩარიცხვის მიზანშეწონილობის თაობაზე და საკითხის დადებითად გადაწყვეტის შემთხვევაში, გასცემს თანხმობის წერილს საქართველოს განათლებისა და მეცნიერების სამინისტროში წარსადგენად.

4.2.1. უნივერსიტეტი უფლებამოსილია მოსთხოვოს აბიტურიენტს მისი საგანმანათლებლო დოკუმენტის ფორმალური ცნობა/აღიარება, ლეგალიზაცია ან/და აპოსტილით დამოწმება.

4.2.2. უნივერსიტეტის თანხმობის მიღების შემთხვევაში, აბიტურიენტი ვალდებულია მიმართოს საქართველოს განათლებისა და მეცნიერების სამინისტროს და საქართველოს განათლებისა და მეცნიერების მინისტრის გადაწყვეტილების საფუძველზე მოიპოვოს უნივერსიტეტში ჩარიცხვის უფლება.

4.2.3. საქართველოს განათლებისა და მეცნიერების მინისტრის გადაწყვეტილების გამოცემის შემდეგ გამოიცემა უნივერსიტეტის რექტორის ბრძანება აბიტურიენტის უნივერსიტეტში ჩარიცხვის თაობაზე.

4.3. ამ მუხლის 4.1 პუნქტით განსაზღვრული პირებისათვის ერთიანი ეროვნული გამოცდების გავლის გარეშე, ბაკალავრიატის, დიპლომირებული მედიკოსის/სტომატოლოგის საგანმანათლებლო პროგრამით სწავლის გასაგრძელებლად, ჩარიცხვა შესაძლებელია ქართულ ენაში მომზადების საგანმანათლებლო პროგრამაზე. აღნიშნული პროგრამა არის 60-კრედიტიანი, მისი გავლა შესაძლებელია მხოლოდ პირველი

სასწავლო წლის განმავლობაში და მისი დასრულების შემდეგ უმაღლესი საგანმანათლებლო დაწესებულება გასცემს ამ პროგრამის დასრულების დამადასტურებელ სერტიფიკატს. ქართულ ენაში მომზადების საგანმანათლებლო პროგრამის დასრულების შემდეგ სტუდენტები თავიანთი არჩევანის შესაბამისად, სწავლას აგრძელებენ უნივერსიტეტში ბაკალავრიატის, დიპლომირებული მედიკოსის/სტომატოლოგის საგანმანათლებლო პროგრამით.

4.4. უნივერსიტეტში საერთო სამაგისტრო გამოცდის გარეშე მაგისტრატურის საგანმანათლებლო პროგრამაზე ჩარიცხვის უფლება აქვს:

ა) მაგისტრანტობის კანდიდატებს, რომლებმაც უცხო ქვეყანაში მიიღეს შესაბამისი უმაღლესი განათლების აკადემიური ხარისხის დამადასტურებელი დოკუმენტი;

ბ) პირებს, რომლებიც სწავლობენ/სწავლობდნენ და მიღებული აქვთ კრედიტები უცხო ქვეყანაში ამ ქვეყნის კანონმდებლობის შესაბამისად აღიარებულ უმაღლესი საგანმანათლებლო დაწესებულების მაგისტრატურაში;

გ) მაგისტრანტობის კანდიდატებს, რომლებიც უმაღლეს საგანმანათლებლო დაწესებულებაში ჩარიცხნენ ამ მუხლის 4.1 პუნქტის შესაბამისად.

4.4.1 უნივერსიტეტის მაგისტრატურაში ჩარიცხვის პროცედურული საკითხები წესრიგდება ამ წესის მე-3 მუხლის 4.2 პუნქტით დადგენილი ბაკალავრიატში ჩარიცხვის წინაპირობების ანალოგიურად.

4.5. უცხო ქვეყნის მოქალაქის უნივერსიტეტში ქართულენოვან პროგრამაზე ჩარიცხვის შემთხვევაში, იგი ვალდებულია ჩააბაროს ტესტი-ქართული ენის ცოდნის დონის განსაზღვრის მიზნით.

4.5.1 ქართული ენის ტესტის მინიმალური კომპეტენციის დონის გადალახვის მიუხედავად, თუ სტუდენტმა ვერ დაძლია ქართულ ენაზე სასწავლო კურსები, უნივერსიტეტი ითვებს უფლებას შესთავაზოს ქართულენოვანი პროგრამის სწავლება მისთვის მისაღებ საკომუნიკაციო ენაზე (აზერბაიჯანული, რუსული, თურქული და სხვა) სინქრონული თარგმანის დახმარებით. ამასთან სტუდენტი ვალდებულია გაიაროს დამატებითი კურსი ქართულ ენაში.

მუხლი 4. მობილობის წესით უნივერსიტეტში სტუდენტის ჩარიცხვა

1. უნივერსიტეტში მობილობის წესით სტუდენტის ჩარიცხვა ხორციელდება საქართველოს განათლებისა და მეცნიერების მინისტრის 2010 წლის 4 თებერვლის N10/6 ბრძანების შესაბამისად.

2. მობილობის წესით სტუდენტის ჩარიცხვის შემთხვევაში, არსებული კანონმდებლობისა და უნივერსიტეტის სენატის მიერ დამტკიცებული „სწავლის პერიოდში მიღებული განათლების (ECTS კრედიტების) აღიარების წესის“ მიხედვით, შესაბამისი სკოლის დეკანისა და ხარისხის მართვის დეპარტამენტის მიერ დგინდება სტუდენტის მიერ სხვა სასწავლო დაწესებულებაში ათვისებული პროგრამისა და უნივერსიტეტის საგანმანათლებლო პროგრამის თავსებადობა, რის შემდეგაც განისაზღვრება სწავლების რომელი სემესტრიდან გააგრძელებს სტუდენტი უნივერსიტეტში სწავლას.

მუხლი 5. მობილობის ზოგადი წესი და პროცედურა

1. მობილობის (საქართველოს უმაღლესი საგანმანათლებლო დაწესებულებიდან გადაყვანის წესით ჩარიცხვის) უფლება აქვს სტუდენტს, რომელიც კანონმდებლობით დადგენილი წესით ჩარიცხა საქართველოს აკრედიტებულ/აღიარებულ უმაღლესი საგანმანათლებლო დაწესებულებაში, იმ შემთხვევაში, თუ მას გავლილი აქვს სწავლების ერთი წელი.

2. ამ წესის მე-3 მუხლით განსაზღვრული პირი მობილობის განხორციელებისათვის ვალდებულია მოიპოვოს უნივერსიტეტში ჩარიცხვის უფლება საქართველოს განათლებისა და მეცნიერების სამინისტროს გადაწყვეტილების საფუძველზე, ამ წესის მე-3 მუხლით დადგენილი წინაპირობების დაცვით.

3. მობილობის განხორციელებისათვის უნივერსიტეტი განსაზღვრავს თავისუფალი ადგილების რაოდენობას, რომელზედაც შესაძლებელია მობილობით სტუდენტების მიღება.

4. თავისუფალი ადგილების რაოდენობის გამოთვლისას უნივერსიტეტისათვის განსაზღვრული ადგილების მაქსიმალურ რაოდენობას აკლდება დაწესებულებაში რიცხული სტუდენტების რაოდენობა, ერთიანი ეროვნული გამოცდებით სტუდენტების მისაღებად გამოცდების ეროვნულ ცენტრში რეგისტრირებული სტუდენტების რაოდენობა და ემატება დაწესებულებაში არსებული კურსდამამთავრებელი სტუდენტების რაოდენობა.

5. მობილობის ვაკანსიები სკოლებისა და საგანმანათლებლო პროგრამების შესაბამისად ქვეყნდება სსიპ-განათლების ხარისხის განვითარების ეროვნულ ცენტრის ელექტრონულ პორტალზე.

6. მობილობის გამოცხადების შემდეგ, უნივერსიტეტის სენატი ადგენს ვადას, რომელშიც უნდა განხორციელდეს მობილობის მსურველთა მიერ დოკუმენტაციის უნივერსიტეტში წარმოდგენა, მათ მიერ ელექტრონული რეგისტრაციის გავლის პარალელურად.

7. მობილობის მსურველს ევალება წარმოადგინოს უნივერსიტეტში ყველა ის დოკუმენტი, რომელიც სავალდებულოა ბაკალავრიატის საფეხურის სტუდენტის უნივერსიტეტში ჩარიცხვისათვის, ასევე, მობილობის მსურველის მიერ გავლილი საგანმანათლებლო პროგრამის აღიარების მოთხოვნის შემთხვევაში, მობილობის მსურველს მოეთხოვება აკადემიური ცნობის, ხოლო საჭიროების შემთხვევაში - დამატებითი დოკუმენტაციის (კურიკულუმი, სილაბუსი) წარმოდგენა.

8. უნივერსიტეტი იხილავს სტუდენტის პირად საქმეს და იღებს გადაწყვეტილებას მობილობის მსურველის მიერ გავლილი პროგრამის აღიარების შესახებ ამ წესით დადგენილი პროცედურების დაცვით.

მუხლი 6. მობილობის შედეგები

1. მობილობის მსურველი მოიპოვებს უნივერსიტეტში ჩარიცხვის უფლებას სსიპ- განათლების ხარისხის განვითარების ეროვნული ცენტრის მიერ მის ჩარიცხვაზე გაცემული დადებითი დასკვნის შემთხვევაში.

2. მობილობით სტუდენტების ჩარიცხვის თაობაზე უნივერსიტეტის რექტორი გამოსცემს ერთიან ბრძანებას, რომელიც სტუდენტის მობილობით ჩარიცხვის შესახებ გამოიცემა 1 ოქტომბრამდე შემოდგომის ან 1 მარტამდე გაზაფხულის სემესტრში. ბრძანება გამოცემიდან 2 სამუშაო დღის ვადაში აისახება რეესტრში, ხოლო 3 სამუშაო დღის ვადაში იგზავნება ცენტრში.

3. მობილობასთან დაკავშირებით პროცედურები, რომელიც არ განისაზღვრება ამ წესით რეგულირდება საქართველოს განათლებისა და მეცნიერების მინისტრის 2010 წლის 4 თებერვლის ბრძანებით №10/ნ „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“ მოთხოვნების საფუძველზე.

მუხლი 7. შიდა მობილობა

1. სწავლების ნებისმიერ სემესტრში, სტუდენტს უფლება აქვს ისარგებლოს შიდა მობილობით და ყოველგვარი წინაპირობის გარეშე, უმაღლესი განათლების ერთი საფეხურის ფარგლებში შეიცვალოს საგანმანათლებლო პროგრამა.

2. შიდა მობილობა ცხადდება აკადემიური და წარმომადგენლობითი სენატის დადგენილების საფუძველზე, წელიწადში 2 - ჯერ.

3. შიდა მობილობაში მონაწილეობის უფლება აქვს სტუდენტს იმ შემთხვევაშიც, როცა მას შიდა მობილობის გამოცხადების მომენტისათვის შეჩერებული აქვს სტუდენტის სტატუსი;

4. შიდა მობილობის პროცესში სტუდენტის კრედიტების აღიარება ხორციელდება „სწავლის პერიოდში მიღებული განათლების (ECTS კრედიტების) აღიარების წესის“ შესაბამისად.

5. შიდა მობილობით სტუდენტის გადაყვანა სხვა საგანმანათლებლო პროგრამის სტუდენტად ფორმდება რექტორის ბრძანებით.

6. შიდა მობილობის პროცესის დასრულების შემდეგ დაწესებულება ვალდებულია შიდა მობილობის შედეგები ორი კვირის ვადაში მიაწოდოს სსიპ - განათლების ხარისხის განვითარების ეროვნულ ცენტრს.

მუხლი 8. სტუდენტის სტატუსის შეჩერებისა და შეწყვეტის ცნება

1. სტუდენტის სტატუსის შეჩერება არის სტუდენტისა და უნივერსიტეტის მიერ ერთმანეთის მიმართ სასწავლო პროცესით გათვალისწინებული უფლება-მოვალეობების შესრულებისაგან დროებითი გათავისუფლება, რომელიც გამოწვეულია შესაბამისი მოვალეობების შეუსრულებლობით ან შესრულების მომავალი შეუძლებლობით. სტუდენტის სტატუსის შეჩერება ატარებს დროებით ხასიათს და წყდება მხარეთა შეთანხმების საფუძველზე, რასაც შედეგად მოსდევს პირის სტუდენტის უფლებებში სრული აღდგენა.

2. სტუდენტის სტატუსის შეწყვეტა არის პირისათვის სტუდენტის სტატუსით მინიჭებული ყველა უფლება-მოვალეობებისგან გათავისუფლება, მის მიერ სწავლის შედეგების მიღწევის შეუძლებლობის, სტუდენტისათვის შეუფერებელი ქმედების ჩადენის ან კანონმდებლობით გათვალისწინებულ სხვა

შემთხვევებში. სტუდენტის სტატუსის შეწყვეტის შედეგად პირი ვერ ისარგებლებს უნივერსიტეტის სტუდენტის ვერც ერთი უფლებით, ხოლო მის მიერ სწავლის პერიოდში მოპოვებული განათლების აღიარებისათვის აუცილებელია სტუდენტის სტატუსის ხელახლა მოპოვება.

მუხლი 9. სტუდენტის სტატუსის შეჩერების წესი

1. პირისათვის სტუდენტის სტატუსის შეჩერების საფუძველი და სტუდენტის სტატუსის შეჩერების მაქსიმალური ვადაა:

- ა) პირადი განცხადება - სტუდენტის მოთხოვნილი ვადით, არაუმეტეს 5 წლის ვადით;
- ბ) ფინანსური დავალიანება - დავალიანების დაფარვამდე, თუმცა არაუმეტეს 5 წლის ვადით;
- გ) საბღვარგარეთ სასწავლებლად წასვლა - სწავლის გეგმიური ვადით (გარდა გაცვლით პროგრამებში მონაწილეობისა);
- დ) ავადმყოფობა ან სხვა დაუძლეველი ძალა, რომელიც შეუძლებელს ხდის პირის სტუდენტურ ცხოვრებაში ჩართულობას - შესაბამისი გარემოებების არსებობის ვადით.
- ე) სისხლის სამართლის პასუხისგებაში მიცემა.
- ვ) ორსულობა/ჩვილბავშვიანობა;
- ზ) სტუდენტის მიერ უნივერსიტეტთან გაფორმებული ხელშეკრულებით ნაკისრი ვალდებულებების შეუსრულებლობა .

2. სტუდენტის სტატუსის შეჩერება ფორმდება უნივერსიტეტის რექტორის ბრძანებით. სტუდენტის სტატუსის შეჩერება უნდა აისახოს სტუდენტთა ერთიან რეესტრში.

3. სტუდენტის ინიციატივით სტატუსის შეჩერების მოთხოვნის საფუძველია სტუდენტის განცხადება უნივერსიტეტის რექტორის სახელზე, ხოლო უნივერსიტეტის ინიციატივით სტუდენტისათვის სტატუსის შეჩერების საკითხის დაყენებისას სტუდენტი ჩართული უნდა იყოს აღნიშნული საკითხის გადანყვეტაში.

4. სტუდენტის სტატუსის შეჩერების დროის განმავლობაში, უნივერსიტეტი და სტუდენტი თავისუფლდებიან ურთიერთსანაცვლო უფლება-მოვალეობების შესრულებისაგან. თუმცა, სტუდენტი ვალდებულია დაფაროს სტატუსის შეჩერებამდე არსებული დავალიანება და დააბრუნოს დროებით სარგებლობაში მყოფი უნივერსიტეტის საკუთრება.

5. სტუდენტის სტატუსის შეჩერების შემთხვევაში სტუდენტი სწავლას აგრძელებს იმ სემესტრიდან, რომლიდანაც შეუჩერდა სტუდენტის სტატუსი.

6. სტუდენტის სტატუსის შეჩერებული პირი სარგებლობს სხვა უმაღლესი საგანმანათლებლო დაწესებულებაში/უნივერსიტეტის სხვა საგანმანათლებლო პროგრამაზე გადასვლის (მობილობის/შიდა მობილობის) უფლებით.

7. იმ შემთხვევაში, თუ ის საგანმანათლებლო პროგრამა, რომელზედაც ირიცხებოდა სტუდენტი მისთვის სტატუსის შეჩერებამდე გაუქმებულია, ან შეცვლილია მისთვის სტუდენტის სტატუსის აღდგენის მომენტისათვის, სტუდენტი უფლებამოსილია სწავლა გააგრძელოს ყველაზე მსგავსი საგანმანათლებლო პროგრამით ან გადავიდეს სხვა უმაღლეს საგანმანათლებლო დაწესებულებაში, კანონმდებლობით დადგენილი წესით.

8. სტუდენტის სტატუსის შეჩერებიდან 5 წლის გასვლის შემთხვევაში პირს უწყდება სტუდენტის სტატუსი.

9. სტუდენტის სტატუსის შეჩერებასთან დაკავშირებული პროცედურები, რომელიც ამ წესით არ განისაზღვრება რეგულირდება უნივერსიტეტის რექტორის ბრძანებით, რომელიც უნდა შეესაბამებოდეს მოქმედ კანონმდებლობას და საქართველოს განათლებისა და მეცნიერების მინისტრის 2010 წლის 4 თებერვლის ბრძანებას №10/ნ „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“.

მუხლი 10. სტუდენტის სტატუსის შეწყვეტის წესი

1. სტუდენტის სტატუსის შეწყვეტის საფუძველია:

- ა) პირადი განცხადება;
- ბ) სტუდენტის მიერ საგანმანათლებლო პროგრამის დასრულება მოცემულ საფეხურზე;
- გ) სტუდენტის სტატუსის აღუდგენლობა სტუდენტის სტატუსის შეჩერების მომენტიდან 5 კალენდარული წლის განმავლობაში.

დ) სწავლის შედეგების მიღწევის შეუძლებლობა, რაც განისაზღვრება შესაბამისი საგანმანათლებლო პროგრამის კურიკულუმით (ერთი და იმავე სავალდებულო სასწავლო კურსის ოთხჯერ მოსმენა და კრედიტის ვერმოპოვება);

ე) ამოღებულია

ვ) თოუ-ს ეთიკის კოდექსით, შინაგანაწესითა და დისციპლინური პასუხისმგებლობის ნორმებით გათვალისწინებული სტუდენტის სტატუსთან შეუთავსებელი ქმედების განხორციელება, აკადემიური და წარმომადგენლობითი სენატის გადაწყვეტილების საფუძველზე.

ზ) გარდაცვალება;

თ) სტუდენტის სხვა უმაღლეს საგანმანათლებლო დაწესებულებაში გადასვლა.

2. სტუდენტი, რომლის მიმართაც მიმდინარეობს სტუდენტის სტატუსის შეწყვეტის თაობაზე წარმოება, ვალდებულია ინფორმირებული იყოს აღნიშნულის შესახებ და მიეცეს საკუთარი მოსაზრებების, ახსნა-განმარტების და მტკიცებულებების წარმოდგენის შესაძლებლობა.

3. სტუდენტის სტატუსის შეწყვეტა ფორმდება უნივერსიტეტის რექტორის დასაბუთებული ბრძანებით და წარმოადგენს სტუდენტთან დადებული ხელშეკრულების მოშლას.

4. სტუდენტის სტატუსის შეწყვეტა სამართლებრივ შედეგებს წარმოშობს შესაბამისი სამართლებრივი აქტის გამოცემიდან 1 წლის შემდეგ, რა ვადაშიც პირი უფლებამოსილია გაასაჩივროს აღნიშნული გადაწყვეტილება ან ისარგებლოს მობილობის უფლებით.

5. სტუდენტის სტატუსის შეწყვეტა და სასწავლო ხელშეკრულების მოშლა საჩივრდება სასამართლოს/არბიტრაჟის წესით (მხარეთა შეთანხმების საფუძველზე).

6. სტუდენტის სტატუსის შეწყვეტასთან დაკავშირებული პროცედურები, რომელიც ამ წესით არ განისაზღვრება რეგულირდება უნივერსიტეტის რექტორის ბრძანებით, რომელიც უნდა შეესაბამებოდეს მოქმედ კანონმდებლობას და საქართველოს განათლებისა და მეცნიერების მინისტრის 2010 წლის 4 თებერვლის ბრძანებას №10/ნ „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის დამტკიცების შესახებ“.

7. სტუდენტის სტატუსის შეწყვეტის შემთხვევაში მისი ხელახალი მოპოვება დასაშვებია კანონმდებლობით დადგენილი წესით.

მუხლი 11. სტუდენტის სტატუსის აღდგენა

1. 2010 წლის 5 თებერვლამდე გარიცხული/ამორიცხული სტუდენტი განიხილება სტუდენტის სტატუსის შეჩერებულ პირად გარიცხვის/ამორიცხვის შესახებ ბრძანების გამოცემიდან 10 (ათი) წლის განმავლობაში და ამ ვადაში უფლებამოსილია, მომართოს თოუ-ს სტატუსის აღდგენის თაობაზე, თუ გარიცხვის/ამორიცხვის საფუძველი არ არის ამ წესით დადგენილი სტუდენტის სტატუსის შეწყვეტის საფუძველი.

2. თოუ-დან გარიცხული/ამორიცხული სტუდენტის სტატუსის აღდგენის შემთხვევაში, სტუდენტის სემესტრი განისაზღვრება მოქმედ პროგრამასთან შესაბამისობის დადგენის გზით (კრედიტების აღიარების წესის მიხედვით).

3. სტუდენტს, რომელსაც საბაკალავრო/სამაგისტრო პროგრამაზე აკადემიური დავალიანების გამო არ მიენიჭა შესაბამისი კვალიფიკაცია და არ არსებობს სამართლებრივი აქტი მასზე სტუდენტის სტატუსის შეწყვეტის შესახებ (სტუდენტთა მონაცემთა ბაზაში დარეგისტრირებულია, როგორც კურსდამთავრებული), უფლება ეძლევა სწავლა გააგრძელოს პირადი განცხადების საფუძველზე, თვითდაფინანსებით და დაასრულოს საგანმანათლებლო პროგრამა დამატებითი სემესტრის (სემესტრების) გავლის გზით.

მუხლი 12. სტუდენტის ცოდნის შეფასების სისტემის ზოგადი აღწერა.

1. სტუდენტის სასწავლო პროცესში თითოეული სტუდენტის აკადემიური დატვირთვის ასახვისათვის, რომელიც სტუდენტს ესაჭიროება სასწავლო პროგრამის მიზნების მისაღწევად, უნივერსიტეტი იყენებს ტრანსფერისა და დაგროვების ევროპულ საკრედიტო სისტემას (ECTS).

2. უნივერსიტეტი საგანმანათლებლო პროგრამებით გათვალისწინებული სტუდენტთა ცოდნის შეფასების სისტემა შემუშავებულია საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დადგენილი წესის საფუძველზე.

3. სტუდენტთა საქმიანობის შესაფასებლად გამოიყენება კრედიტი –ერთეული, რომელიც გამოხატავს სტუდენტისათვის საჭირო სასწავლო დატვირთვას და რომლის მიღებაც შესაძლებელია სწავლის შედეგების მიღწევის შემდეგ, რაც გამოიხატება საქართველოს განათლებისა და მეცნიერების მინისტრის 2007 წლის 5 იანვრის #3 ბრძანებით დამტკიცებული “უმაღლესი საგანმანათლებლო პროგრამების კრედიტებით გაანგარიშების წესის” მე-4 მუხლის მე-9 პუნქტით დადგენილი ერთ-ერთი დადებითი შეფასებით.

მუხლი 13. სტუდენტის სასწავლო საქმიანობა

1. სტუდენტის სასწავლო დატვირთვა ეს არის დრო, რომელიც საჭიროა საგანმანათლებლო პროგრამით განსაზღვრული სწავლის შედეგების მისაღწევად. სტუდენტის სასწავლო დატვირთვა ეფუძნება დამოუკიდებელ და საკონტაქტო საათებს.
2. საკრედიტო სისტემის შესაბამისად სტუდენტის დატვირთვა ერთი აკადემიური წლის განმავლობაში მოიცავს საშუალოდ 60 კრედიტს, ხოლო ერთი კრედიტი მოიცავს სტუდენტის სასწავლო საქმიანობას (სტუდენტის დატვირთვა) 25 -30 ასტრონომიული საათს, რაც შეესაბამება სასწავლო საქმიანობის 1500 - 1800 ასტრონომიულ საათს ერთი სასწავლო წლის განმავლობაში.
3. კრედიტების განაწილება ხდება საგანმანათლებლო პროგრამის ყველა კომპონენტს შორის. კრედიტი ასახავს საშუალოს იმ რაოდენობას, რომელიც საჭიროა ამა თუ იმ კომპონენტის დასასრულებლად და სწავლის შედეგების მისაღწევად და მოიცავს როგორც სტუდენტის მიერ ორგანიზებულ გარემოში გატარებულ თეორიულ და პრაქტიკულ მუშაობას (საკონტაქტო საათები) ასევე სტუდენტის მიერ ინდივიდუალურ მუშაობას (დამოუკიდებელი მუშაობის საათები).
4. კრედიტის გაანგარიშებისას არ გაითვალისწინება დამატებითი გამოცდისთვის (მომზადება, ჩაბარება, შეფასება) განსაზღვრული დრო, აგრეთვე საგანმანათლებლო პროგრამის კომპონენტის განმახორციელებელ პირთან საკონსულტაციო დრო.
5. სტუდენტის წლიური დატვირთვა არ შეიძლება იყოს 75 კრედიტზე მეტი .

მუხლი 14. სტუდენტთა მიღწევების შეფასება

1. სტუდენტთა მიღწევების შეფასება წარმოებს მთელი სემესტრის განმავლობაში. სტუდენტის საბოლოო შეფასება უნდა წარმოადგენდეს შუალედური შეფასებებისა და დასკვნითი გამოცდის დადებითი შედეგების ჯამს. სტუდენტის ცოდნა, ყველა კომპონენტში ჯამურად ფასდება 100 ქულით.
 - 1.1 დასწრებას საბოლოო შეფასებაში პროცენტული წილი არ აქვს.
 - 1.2 დაუშვებელია სასწავლო კომპონენტებში სტუდენტის მიერ მიღწეული სწავლის შედეგების ერთჯერადად -მხოლოდ დასკვნითი გამოცდის საფუძველზე შეფასება. სამეცნიერო კომპონენტი უნდა შეფასდეს ერთჯერადად (დასკვნითი შეფასებით).
 - 1.3 უნივერსიტეტში სტუდენტის აკადემიური მოსწრების დონე განისაზღვრება, როგორც სასწავლო კურსებში მიღებული ქულებით, ასევე აღნიშნული ქულების ექვივალენტით - **საშუალო აკადემიური შეფასებით (GPA)**.
 - 1.4 ნებისმიერი სასწავლო კურსის GPA გამოითვლება ფორმულით: $GPA = (X-50) \times 0,06 + 1$, სადაც X არის სასწავლო კურსში მიღებული ქულა. მაგ. თუ სტუდენტმა სასწავლო კურსში დააგროვა 83 ქულა, ამ საგანში GPA იქნება 2.98 $((83-50) \times 0,06 + 1 = 2.98)$. GPA – გამოითვლება მხოლოდ იმ სასწავლო კურსებში, რომლებშიც სტუდენტს მიღებული აქვს დადებითი შეფასება (A,B,C,D,E). FX და F შეფასება GPA–ს გამოთვლაში 0-ის ტოლია. სარეიტინგო მონაცემების მისაღებად გამოითვლება სტუდენტთა სემესტრული GPA, რა დროსაც დაჯამდება უარყოფითი შეფასებებიც.
 - 1.5 სასწავლო პროცესის ნებისმიერ ინტერვალში შეიძლება გამოითვალოს სტუდენტის შემაჯამებელი საშუალო აკადემიური შეფასება **GPA(შემაჯამებელი)**. იგი გამოითვლება ფორმულით: $GPA(შემაჯამებელი) = (\sum \text{თითოეული სასწავლო კურსის GPA} \times \text{შესაბამის კრედიტზე}) / \text{ყველა სასწავლო კურსის კრედიტების ჯამზე}$. იმ შემთხვევაში თუ კურსდამთავრებულის GPA (შემაჯამებელი) არის არანაკლებ 3,5 - გაიცემა დიპლომი წარჩინებით; სხვა შემთხვევაში - ჩვეულებრივი დიპლომი;

2. შეფასების სისტემა

2.1. 100 ქულა წარმოადგენს სტუდენტის მაქსიმალურ საბოლოო შეფასებას. სტუდენტის მიერ 100-დან 51 ქულის დაგროვების შემთხვევაში საგანი ჩაბარებულად ითვლება. 41-დან 50 ქულამდე

დაგროვების შემთხვევაში სტუდენტს ეძლევა დასკვნით გამოცდაზე კიდევ ერთხელ გასვლის უფლება კურსის გამეორების გარეშე. 41 ქულაზე ნაკლების დაგროვების შემთხვევაში სტუდენტმა ხელმეორედ უნდა შეისწავლოს კურსი.

2.2. თითოეულ დისციპლინაში შუასემესტრული კომპონენტებისა და დასკვნითი გამოცდის შეფასების სისტემა შედგენილი და საგნის სილაბუსში დეტალურად განერილია კურსის განმახორციელებელი პროფესორის მიერ.

2.3. თბილისის ღია სასწავლო უნივერსიტეტში მოქმედებს შეფასების შემდეგი ინდექსური სისტემა და მაჩვენებლები:

დადებითი შეფასებები:

- **(A)** ფრიადი - მაქსიმალური შეფასების- 91-100 ქულა;
- **(B)** ძალიან კარგი - მაქსიმალური შეფასების 81-90 ქულა;
- **(C)** კარგი - მაქსიმალური შეფასების 71-80 ქულა;
- **(D)** დამაკმაყოფილებელი -მაქსიმალური შეფასების 61-70 ქულა;
- **(E)** საკმარისი - -მაქსიმალური შეფასების 51-60 ქულა;

უარყოფითი შეფასებები:

(FX) ვერ ჩააბარა - მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა

ჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა- მაქსიმალური შეფასების 40 ქულა და ნაკლები;

2.3.1. (FX) ვერ ჩააბარა - უარყოფითი შეფასების მქონე სტუდენტებს უფლება აქვთ, დამატებით, დამოუკიდებელი მუშაობის შემდეგ, ხელახლა გავიდნენ დასკვნით გამოცდაზე.

2.3.2. (F) ჩაიჭრა-ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი. სასწავლო კურსის ხელახლა გავლისათვის სტუდენტმა უნდა გადაიხადოს სასწავლო კურსის შესაბამისი ღირებულება, რომელიც გამოითვლება ფორმულით: $Q=S/60 \cdot n$ სადაც S არის საგანმანათლებლო პროგრამის ერთი სასწავლო წლის საფასური; n- სასწავლო კურსის კრედიტების რაოდენობა.

2.3.2.1. სტუდენტს უფლება აქვს ერთი და იგივე სასწავლო კურსი გაიაროს რამოდენიმეჯერ.

2.3.2.2. საგნის შესწავლის წინაპირობის დაცვის მიზნით, სტუდენტის მიერ სასწავლო კურსის ხელმეორედ შესწავლა (შეფასება „F“-ის შემთხვევაში) შესაძლებელია მოხდეს მომდევნო სემესტრში (სასწავლო კურსისათვის პროგრამით განსაზღვრული სემესტრის მიუხედავად). საგნის ხელმეორედ გავლა შესაძლებელია როგორც ერთი სემესტრის მანძილზე, ასევე ინტენსიური კურსის სახითაც (საკონტაქტო საათების სრული ათვისებით)-9 კვირის განმავლობაში (ინტენსიური კურსის სახით ასევე შეიძლება განხორციელდეს მიმდინარე სემესტრში პროგრამით დაგეგმილი ის სასწავლო კურსი, რომლის წინაპირობასაც აღნიშნული საგანი წარმოადგენს), შემდეგი განრიგით:

- კურსის ხანგრძლივობა -9 კვირა ;
- ლექცია-პრაქტიკულები -პირველი 7 კვირა;
- შუალედური გამოცდა - მე-4-ე კვირა;
- შუალედური გამოცდის აღდგენა/გადაბარება; რეფერატის/პრეზენტაციების/პროექტების დაცვა -მე-6-ე კვირა;
- დასკვნითი გამოცდა -მე-8-ე კვირის დასაწყისში.
- დამატებითი გამოცდა მე-9-ე კვირის ბოლოს.

3. შეფასების კომპონენტები

3.1. 100 ქულიანი სისტემიდან შუასემესტრულ კომპონენტებზე გადანაწილებულია 70 ქულა, ხოლო 30 ქულა ეთმობა დასკვნით გამოცდას.

3.2. შუასემესტრული კომპონენტებისთვის განსაზღვრული 70 ქულა ნაწილდება შუალედური შეფასებების მიხედვით, შემდეგი პირობების დაცვით:

- ა) შუალედური გამოცდა - 30 ქულა;
- ბ) აქტიურობა (სამუშაო ჯგუფში, პრაქტიკულზე) - 30 ქულა;

გ) რეფერატი/პრეზენტაცია/პროექტი- 10 ქულა

3.3. კურსის განმახორციელებელი არ იზღუდება ჰქონდეს შეფასების განსხვავებული კომპონენტები და ამ კომპონენტებს ჰქონდეს 3.1 და 3.2 ქვეპუნქტით განსაზღვრულისაგან განსხვავებული მაქსიმალური ქულა და 3.4-3.8 პუნქტებით განსაზღვრულისაგან განსხვავებული მინიმალური კომპეტენციის ზღვრები სასწავლო კურსის სპეციფიკიდან გამომდინარე, რომელიც უნდა აისახოს სილაბუსში.

3.4. დასკვნითი გამოცდა - შეფასების სავალდებულო კომპონენტია. ტარდება კურსის დასრულებისას, მე-18-19 კვირას და ფასდება 30 ქულით. დასკვნითი გამოცდის შედეგი დადებითად ჩაითვლება, თუ მასში მიღებულია მინიმუმ 10 ქულა. თუ სტუდენტი დასკვნით გამოცდაზე მიიღებს შეფასებას 1-დან 9 ქულის ჩათვლით, ითვლება ჩაჭრილად და მიუხედავად მისი მიღწევებისა სხვა შუასემესტრულ კომპონენტებში ვალდებულია გავიდეს დამატებით გამოცდაზე.

3.4.1. დასკვნით გამოცდაზე დაშვების წინაპირობები: ფინანსური დავალიანების არქონა, შუალედური გამოცდის მინიმალური (10 ქულა) დადებითი ქულა და სემესტრის განმავლობაში სტუდენტის მიერ სავალდებულო შუალედური კომპონენტების დადებითი ქულათა ჯამით მინიმუმ 21 ქულის დაგროვება. სტუდენტი, რომელიც სემესტრის განმავლობაში ვერ დააგროვებს სავალდებულო მინიმალურ ქულას (21), დასკვნით გამოცდაზე არ დაიშვება.

3.4.2 დასკვნითი გამოცდა საპატიო მიზეზის არსებობისას, სტუდენტის ინტერესების გათვალისწინებით, პირადი განცხადების საფუძველზე, შეიძლება ჩატარდეს ინდივიდუალურ რეჟიმში, არაუადრეს ბოლო სალექციო კვირისა (მე-15 კვირა) . (რეგულირდება რექტორის ინდივიდუალური სამართლებრივი აქტით).

3.5 დამატებითი გამოცდა -დამატებითი გამოცდის ჩაბარება, დასკვნით გამოცდაზე ჩაჭრის, სასწავლო კურსის მაქსიმალური შეფასების 41-50% -ის დაგროვების ან მიღებული შეფასების გაუმჯობესების მიზნით, შესაძლებელია მე-19-20 კვირას. დასკვნითი გამოცდის შედეგების გამოცხადებიდან არანაკლებ 5 დღის შუალედით. სტუდენტებს, რომლებიც ვერ გამოცხადნენ დასკვნით გამოცდაზე საპატიო მიზეზით, ასევე აქვთ უფლება გავიდნენ დამატებით გამოცდაზე (იმ წინაპირობების დაცვით, რაც დაწესებულია დასკვნითი გამოცდისთვის).

3.5.1. დამატებითი გამოცდა შეიძლება დაინიშნოს ერთხელ და ამ გამოცდაზე შეფასება FX - არ იწერება. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო კომპონენტის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

3.5.2 დამატებითი გამოცდა, საპატიო მიზეზის არსებობისას, სტუდენტის ინტერესების გათვალისწინებით, პირადი განცხადების საფუძველზე, შეიძლება ჩატარდეს ინდივიდუალურ რეჟიმში, არაუგვიანეს მომდევნო სემესტრის დაწყებისა. (რეგულირდება რექტორის ინდივიდუალური სამართლებრივი აქტით).

3.5.3. დამატებითი გამოცდის ორგანიზების, ასევე კურსის თავიდან შესწავლის ხარჯებს ანაზღაურებს სტუდენტი დადგენილი ტარიფის შესაბამისად.

3.6. შუალედური გამოცდა - შეფასების სავალდებულო კომპონენტია. კურსის განმავლობაში სტუდენტი აბარებს ერთ შუალედურ გამოცდას, რომლითაც მოწმდება მის მიერ მიღებული ცოდნა. შუალედური გამოცდა ტარდება სემესტრის მე-9 კვირას და ფასდება 30 ქულით. შუალედური გამოცდის შედეგი დადებითად ჩაითვლება, თუ მასში მიღებულია მინიმუმ 10 ქულა.

3.6.1. შუალედური გამოცდა საგნის სპეციფიკიდან გამომდინარე შეიძლება ჩატარდეს როგორც ტესტური (ღია და დახურული ტესტები), ასევე ესეს, კაზუსის, თეორიული საკითხის (წერიითი/ზეპირი) ან/და კომბინირებული სახით.

3.6.2. შუალედური გამოცდების აღდგენა ან შედეგის გაუმჯობესება შესაძლებელია სასესიო პერიოდში მე-17 კვირას.

3.7. აქტივობა - თითოეული კურსის გავლის ბოლოს სტუდენტმა სამუშაო ჯგუფში/პრაქტიკულზე აქტიური მონაწილეობის შემთხვევაში შეიძლება მოაგროვოს მაქსიმუმ 30 ქულა.

3.7.1 აქტივობა შესაძლოა განხორციელდეს სხვადასხვა ფორმით: სტუდენტის ცოდნის შეფასებისათვის გამოიყენება როგორც წერილობითი ფორმა (კითხვარი, ქვიზები, ტესტი, ესე, და სხვ.), ასევე ზეპირი გამოკითხვა, დებატები, პრეზენტაცია, ჯგუფური და ინდივიდუალური პროექტი და ა.შ.

3.7.2 აქტივობის ქულა საბოლოო შეფასებაში ჩაითვლება მხოლოდ იმ შემთხვევაში თუ სტუდენტი სემესტრის განმავლობაში მაქსიმალური 30 ქულიდან დააგროვებს 10 ქულაზე მეტს.

3.8. რეფერატ(ებ)ის, პროექტების და სხვა წარმოდგენა/შეფასება ხდება შესაბამისად სემესტრის მე-15 და მე-16 სასწავლო კვირას. ფასდება 10 ქულით.

3.8.1 რეფერატის ქულა საბოლოო შეფასებაში ჩაითვლება მხოლოდ იმ შემთხვევაში, თუ სტუდენტი მაქსიმალური 10 ქულიდან დააგროვებს 3 ქულაზე მეტს .

3.9. საკონტაქტო საათებზე დასწრება - აღნიშნულ კრიტერიუმს, საბოლოო შეფასებაში, პროცენტული წილი არ აქვს.

3.9.1. საპატიო მიზეზით ყოველი საათის გაცდენა დადასტურებული უნდა იქნას ოფიციალური, იურიდიული ძალის მქონე დოკუმენტით.

საპატიოდ ითვლება: ა) ავადმყოფობა, რის დასადასტურებლადაც წარდგენილია სამედიცინო დანვსებულების მიერ დადგენილი წესით გაცემული ცნობა; ბ) ნათესავის დაღუპვა, რაც დადასტურდება გარდაცვალების ცნობის წარდგენით (ნათესავი განისაზღვრება საქართველოს საგადასახადო კოდექსით); გ) სტუდენტის ან ოჯახური მდგომარეობის სტატუსის შეცვლა (ქორწინება), რაც დადასტურდება ქორწინების მონაწილის წარდგენით; დ) ფორს-მაჟორული გარემოებები, გარემო და კლიმატური პირობები, რის გამოც სტუდენტი ვერ ახერხებს სასწავლებელში გამოცხადებას;

3.9.2. ინდივიდუალური გრაფიკი

სტუდენტი ცალკეულ შემთხვევაში: დასაქმება (სრული ან ნახევარი განაკვეთით), ქრონიკული ავადმყოფობები, ჩვილბავშვიანობა, პროფესიონალი სპორტსმენობა, სავალდებულო სამხედრო სამსახურში ყოფნა, შესაბამისი ცნობის წარმოდგენის შემთხვევაში, გადადის ინდივიდუალურ გრაფიკზე. რაც გულისხმობს: ზემოთ მითითებული მიზეზებით გაცდენილი ლექცია-პრაქტიკულების აღდგენის და რეფერატის/პრეზენტაციების/პროექტების და სხვ. წარდგენა/დაცვის შესაძლებლობას სტუდენტისათვის ხელსაყრელ დროს, სემესტრის მანძილზე. შესაბამისად, სტუდენტს ეძლევა აქტიურობის (მაქს.30 ქ.) და რეფერატის (მაქს.10 ქ) ქულების მოპოვების საშუალება.

3.9.2.1 აღდგენილი საათები და აქტიურობის ქულები ფიქსირდება სტუდენტის აქტივობის შეფასების ინდივიდუალურ უწყისში.

3.9.2.2. ინდივიდუალურ გრაფიკზე სტუდენტის გადაყვანა ხორციელდება სტუდენტის განცხადების და შესაბამისი ცნობის საფუძველზე, ერთი სასწავლო სემესტრის მანძილზე.

3.9.2.3. ინდივიდუალურ გრაფიკზე მყოფი სტუდენტი ვალდებულია ყველა სხვა აქტივობა (შუალედური გამოცდა, შუალედური გამოცდის აღდგენა, ფინალური გამოცდა, დამატებითი გამოცდა) ჩააბაროს აკადემიური კალენდრით დადგენილ დროში, საგამოცდო ცხრილის მიხედვით.

3.10. სტუდენტის მიერ შუასემესტრულ კომპონენტებში მიღებული შეფასებები ძალაში რჩება მხოლოდ მიმდინარე სემესტრის განმავლობაში. მომდევნო სემესტრში ან კურსის თავიდან გავლის შემთხვევაში იმავე კურსის თავდაპირველი სწავლებისას მიღებული შუასემესტრული შეფასებები მხედველობაში აღარ მიიღება.

3.11. საწარმოო პრაქტიკა

უნივერსიტეტი სტუდენტის მიერ საგანმანათლებლო პროგრამის ფარგლებში გათვალისწინებული პრაქტიკული კომპონენტების უკეთ ათვისების უზრუნველსაყოფად აფორმებს ხელშეკრულებებს საქართველოს ბაზარზე არსებულ კომპანიებთან, საჯარო დაწესებულებებთან და ასევე საერთაშორისო ორგანიზაციების წარმომადგენლობებთან.

3.11.1. საწარმოო პრაქტიკის ანგარიშის შეფასება ხდება ქულათა სისტემით. მაქსიმალური შეფასება შეადგენს 100 ქულას, დადებითი შეფასების მინიმალური ზღვარია 51 ქულა. პრაქტიკის შეფასება მრავალჯერადი და მრავალკომპონენტიანია. შეფასებას ექვემდებარება პრაქტიკის ობიექტზე სტუდენტის აქტივობა (მაქს. ქულა - 60) და პრაქტიკის ანგარიში (შესრულება და დაცვა-მაქს. ქულა - 40).

3.11.1.1. აქტივობა (მაქს. 60 ქულა):

მიზანდასახულობა - 15 (მაქს. ქულა); ოპერატიულობა - 15 (მაქს. ქულა); ინიციატივის გამოვლენა - 15 (მაქს. ქულა); დავალების შესრულების ხარისხი - 15 (მაქს. ქულა);

3.11.1.2. პრაქტიკის ანგარიში (მაქს. 40 ქულა):

რეზიუმე - 5 (მაქს. ქულა) (ასახავს პრაქტიკის მიზნებს და წარმოადგენს პრაქტიკის შედეგების არგუმენტირებულ შეჯამებას); დაწესებულების აღწერა - 3 (მაქს. ქულა) (პრაქტიკის ანგარიში ქმნის მკაფიო წარმოდგენას პრაქტიკის გავლის დაწესებულებაზე, საქმიანობის სფეროზე და პროფილზე);

პრაქტიკის პროცესში განხორციელებული საქმიანობის აღწერა-ანალიზი - 15 (მაქს. ქულა) (პრაქტიკის დროს შესრულებული სამუშაოს და შესწავლილი საკითხების შესაბამისობა პრაქტიკის მიზნებთან; პრაქტიკის ფარგლებში შესრულებული სამუშაოს ანალიზის და შეფასებების ადეკვატურობა და ობიექტურობა; შესრულებული სამუშაოს და მიღწეული შედეგების აღწერა და შესაბამისი მაგალითების მოყვანა; შესრულებული სამუშაოს და შესწავლილი საკითხების მეშვეობით განვითარებული კონკრეტული უნარების ჩამოთვლა და აღწერა, წარმატებული პრაქტიკული საქმიანობისთვის მათი მნიშვნელობის ადეკვატური შეფასება); დასკვნები - 5 (მაქს. ქულა) (დასკვნები არგუმენტირებულად და ლოგიკურადაა ჩამოყალიბებული); დანართი - 2 (მაქს. ქულა) (რელევანტურია და შეესაბამება პრაქტიკის ანგარიშის შინაარსს, ხელს უწყობს ანგარიშში აღწერილი ფაქტების დასაბუთებას და ილუსტრირებას);

პრაქტიკის ანგარიშის პრეზენტაცია - 10 (მაქს. ქულა) (სტუდენტს შეუძლია ანგარიშის წარდგენა, შესრულებულ სამუშაოზე საუბარი, პრაქტიკის შედეგების განზოგადება, მოსაზრებების არგუმენტირება და დაცვა, ცოდნისა და უნარების წარმოჩენა).

3.11.2. შესაბამისი პროფილით სტუდენტის თვითდასაქმების შემთხვევაში, სამუშაო ითვლება პრაქტიკის ობიექტად და თანამდებობრივად ზემდგომი პირის მიერ ასევე ფასდება მაქ. 60 ქულით (მიზანდასახულობა- 15 (მაქს. ქულა); ოპერატიულობა -15 (მაქს. ქულა); ინიციატივის გამოვლენა-15 (მაქს.ქულა); დავალების შესრულების ხარისხი - 15 (მაქს. ქულა);

მუხლი 15. სტუდენტის მიერ კრედიტების დაგროვება. დამატებითი სემესტრი

1. სტუდენტის მიერ კრედიტების მიღება/დაგროვება შესაძლებელია მხოლოდ შესასრულებელი სამუშაოს წარმატებით დასრულების შედეგად.

2. კრედიტების მიღება/დაგროვების მიზნით სტუდენტი ვალდებულია ჩააბაროს:

- თითოეული სასწავლო კურსის შესაბამისი შუასემესტრული კომპონენტები (სემესტრის განმავლობაში);
- დასკვნითი გამოცდა.

3. სტუდენტთა რანჟირება (შეფასება) განისაზღვრება მუხლი 14. პუნქტი 2.3 -ის მიხედვით.

4. სტუდენტს, რომელმაც საგანმანათლებლო პროგრამით განსაზღვრულ ვადებში ვერ მოიპოვა შესაბამისი აკადემიური ხარისხი, უფლება ეძლევა დარეგისტრირდეს დამატებით სემესტრში და თვითდაფინანსების გზით დაასრულოს სასწავლო პროგრამა.

5. დამატებითი სემესტრის სწავლის საფასური განისაზღვრება სტუდენტთან ჩარიცხვის პერიოდიდან გაფორმებული ხელშეკრულებით დადგენილი ტარიფით.

6. სტუდენტის მიერ თითოეულ სემესტრში დაგროვილი კრედიტების რაოდენობა აღინიშნება სტუდენტის სასწავლო ბარათში.

მუხლი 16. უნივერსიტეტის აკადემიური წელი

1. აკადემიური წელი არის სემესტრების ერთობლიობა და მათ შორის დასვენების პერიოდი, რაც არ აღემატება 12 უწყვეტ კალენდარულ თვეს.

2. აკადემიური წელი არის ორ სემესტრიანი. სემესტრი არის დროის პერიოდი, რომელიც მოიცავს სასწავლო კვირათა ერთობლიობას, დამატებითი გამოცდის/გამოცდების ჩატარებისა და დამატებით გამოცდაზე/გამოცდებზე სტუდენტის მიღწევის შეფასების პერიოდს. ერთი სემესტრის ხანგრძლივობა შეადგენს 20 სასწავლო კვირას. უნივერსიტეტის აკადემიური წელი მოიცავს 40 სასწავლო კვირას.

3. სასწავლო კვირა არის დროის პერიოდი, რომელზეც ნაწილდება საშუალო აკადემიური მიღწევის მქონე სტუდენტის სასწავლო დატვირთვა და მოიცავს როგორც საკონტაქტო, ასევე დამოუკიდებელ დროში შესასრულებელი აქტივობების ერთობლიობას.

3. სემესტრში კვირების განაწილება არის შემდეგი: 14 კვირა ეთმობა სალექციო-სააუდიტორიო მეცადინეობებს, ხოლო დანარჩენი კვირები მოიცავს:

- შუალედური გამოცდა (მე-9 კვირა);
- რეფერატების, პრეზენტაციების, პროექტების და სხვა წარდგენა/დაცვა (მე-15 კვირა/მე-16 კვირა);
- კონსულტაციებს დასკვნითი გამოცდის საკითხებზე და შუალედური გამოცდის გადაბარებას (მე-17 კვირა);
- დასკვნითი გამოცდა (მე-18-19-ე კვირა, დამატებითი გამოცდა - მე-19 -20-ე კვირა)

4. პროგრამის სპეციფიკიდან გამომდინარე შესაძლებელია სასწავლო და საგამოცდო კვირების განაწილება იყოს განსხვავებული.

მუხლი 17. უნივერსიტეტის სასწავლო პროცესის ორგანიზება.

1. უნივერსიტეტის სასწავლო პროცესის ორგანიზებას (მართვას) ახორციელებენ: უნივერსიტეტის რექტორი, ვიცე-რექტორი, სასწავლო და ადმინისტრაციულ საქმეთა მართვის დეპარტამენტი, სკოლების დეკანატები და ხარისხის მართვის დეპარტამენტი.

2. უნივერსიტეტში სასწავლო პროცესი ტარდება ლექციების, პრაქტიკული მეცადინეობებისა და საგანმანათლებლო პროგრამასა და სილაბუსებში გათვალისწინებული სხვა ფორმებით.

3. უნივერსიტეტში სალექციო და პრაქტიკული მეცადინეობების ხანგრძლივობა არის 50 წუთი. ლექცია-პრაქტიკულებს შორის შესვენება არის 10 წუთი. მესამე სალექციო საათის შემდეგ, შესვენება არის-30 წუთი. აღნიშნული დრო დაზუსტებულია სასწავლო ცხრილებში.

3. უნივერსიტეტში სასწავლო პროცესი ხორციელდება სასწავლო და ადმინისტრაციულ საქმეთა მართვის დეპარტამენტის მიერ შემუშავებული და სკოლის დეკანატებთან შეთანხმებული ცხრილების მიხედვით;

4. სასწავლო/საგამოცდო ცხრილები უნივერსიტეტში განთავსდება სასწავლო პროცესის მართვის ელ. პროგრამაში (emis.openuni.edu.ge), ყოველ სემესტრში.

5. ერთიანი ეროვნული/საერთო სამაგისტრო გამოცდების საფუძველზე ჩარიცხულ სტუდენტთა ადმინისტრაციული რეგისტრაციის გავლის შემდეგ ხდება საგანმანათლებლო პროგრამების მიხედვით სტუდენტთა ჯგუფების ფორმირება. თითოეულ ჯგუფში სტუდენტების მიერ აირჩევა ჯგუფის ლიდერი, რომელიც ვალდებულია უზრუნველყოს ადმინისტრაციასა და ჯგუფს შორის აქტიური კომუნიკაცია, მოაგვაროს ჯგუფის ორგანიზაციული საკითხები.

6. კურსის განმახორციელებელი ვალდებულია:

1.6 სწავლება და სტუდენტთა შეფასება განახორციელოს შესაბამისი საგანმანათლებლო პროგრამითა და სასწავლო კურსის სილაბუსის საფუძველზე.

6.2 დროულად მოახდინოს სტუდენტის აკადემიური მიღწევების შესახებ ინფორმაციის შეტანა სასწავლო პროცესის მართვის ელექტრონულ პროგრამაში. ამასთან: ა) სტუდენტის აქტიურობის ქულები და გამოცხადების შედეგები შეიტანოს არა უგვიანეს მომდევნო სასწავლო კვირის ბოლომდე;

ბ) სტუდენტის შუალედური/შუალედურის აღდგენის, დასკვნითი/დამატებითი გამოცდის და რეფერატის შეფასება შეიტანოს არა უგვიანეს 3 დღის ვადაში;

გ) პრაქტიკის შესახებ სტუდენტთა მიღწევები ასახოს არა უგვიანეს 1 კვირის ვადაში;

6.3. საგამოცდო ტესტები სკოლის დეკანს წარუდგინოს შემდეგ ვადებში :

შუალედური გამოცდის - სემესტრის დაწყებიდან არაუგვიანეს -2 კვირის ვადაში;

დასკვნითი გამოცდის - სემესტრის დაწყებიდან არაუგვიანეს 4 კვირის ვადაში.

6.4. საპატიო მიზეზით არ გამოცხადების შემთხვევაში წინა დღით აცნობოს დეკანს და შეათანხმოს მასთან მეცადინეობის აღდგენის დრო.

7. სკოლის დეკანი ვალდებულია:

7.1 ასახოს ლექტორების მიერ სასწავლო კვირაში ფაქტობრივად ჩატარებული საათობრივი დატვირთვა;

7.2 შეაგროვოს საგამოცდო მასალები, გადაამუშავოს და გაამრავლოს.

8. სასწავლო პროცესის მენეჯერი ვალდებულია:

8.1 ლექციის დაწყებამდე უზრუნველყოს აუდიტორიის გახსნა და მომზადება (პროექტორის გამართვა, ტესტებით უზრუნველყოფა) სასწავლო პროცესის სრულყოფილად წარმართვისათვის;

8.2 გაუნჩოს მონიტორინგი სტუდენტის დასწრებას. სასწავლო პროცესის მიმდინარეობის პროცესში შესაბამის სართულზე აღკვეთოს დაგვიანებული სტუდენტების (ლექციის დაწყებიდან არაუმეტეს 10 წუთი) დაშვება ლექცია-პრაქტიკულებზე;

8.3 სასწავლო პროცესის მიმდინარეობის პროცესში სტუდენტის მიერ დისციპლინარული გადაცდომის შემთხვევაში დაუყონებლივ აცნობოს უნივერსიტეტის დაცვის სამსახურს;

9. სასწავლო ხელშეკრულება

9.1 სემესტრის დასაწყისში (2 სასწავლო კვირის ვადაში) სტუდენტი ვალდებულია, სკოლის დეკანთან, სასწავლო გეგმის შესაბამისად, სასწავლო ბარათის საფუძველზე, გააფორმოს სასწავლო ხელშეკრულება (ფორმა #f.S.17), სადაც საგნის შესწავლის წინაპირობების დაცვით, გაიწერება სტუდენტის მიერ სემესტრის განმავლობაში გასავლელი სასწავლო კურსების ჩამონათვალი, შესაბამისი ჯამური კრედიტისა და სემესტრის სწავლის საფასურის მითითებით.

9.2 სასწავლო ხელშეკრულება დგება სამ ეგზემპლარად. ერთი პირი რჩება შემდგენელთან, მეორე პირი ბარდება საფინანსო სამსახურს და ინახება 1 აკადემიური წლის განმავლობაში, მესამე პირი გადაეცემა სტუდენტს.

9.3 იმ შემთხვევაში, თუ სტუდენტი დადგენილ ვადაში არ გააფორმებს სასწავლო ხელშეკრულებას, მას სემესტრის საფასური განესაზღვრება საგანმანათლებლო პროგრამის სასწავლო გეგმის მიხედვით, სემესტრისათვის დადგენილი ჯამური კრედიტების რაოდენობის შესაბამისად.

მუხლი 18. საგანმანათლებლო პროგრამის მიღების, შეცვლისა და გაუქმების წესი

1. სწავლის ხარისხის გაუმჯობესების, პროგრამის დახვეწის, საზოგადოებისათვის უკეთესი მომსახურების შეთავაზების, აგრეთვე ერთი საგანმანათლებლო პროგრამიდან მეორე საგანმანათლებლო პროგრამაზე მობილობის უზრუნველყოფის მიზნით, უნივერსიტეტმა შეიძლება მიიღოს, შეცვალოს ან გააუქმოს საგანმანათლებლო პროგრამა, ხოლო სტუდენტმა შესაძლოა გადაწყვიტოს საგანმანათლებლო პროგრამის შეცვლა. საგანმანათლებლო პროგრამის შეცვლის ან გაუქმების შემთხვევაში, უნივერსიტეტისათვის მნიშვნელოვანია შესაბამისი პროგრამის სტუდენტების შემდგომი განათლებით უზრუნველყოფა.

2. საგანმანათლებლო პროგრამას განიხილავს და ამტკიცებს უნივერსიტეტის სენატი, სკოლის საბჭოს წარდგინებით.

3. საგანმანათლებლო პროგრამის შემუშავებაში მონაწილეობენ უნივერსიტეტის შესაბამისი დარგის აკადემიური/სამეცნიერო პერსონალი, შესაბამისი კვალიფიკაციის მონვეული პერსონალი, დამსაქმებლები და სტუდენტები.

4. პროგრამა შესაბამისობაში უნდა მოდიოდეს უნივერსიტეტის მისიასთან და უნდა ითვალისწინებდეს დაინტერესებული მხარეების (სახელმწიფოს, მომავალი სტუდენტების, შრომის ბაზრისა და მოსალოდნელი დამსაქმებლის) მოთხოვნებს. პროგრამაში შემავალი სხვადასხვა ასპექტი უნდა აღინეროს მკაფიო, გასაგები ენით.

5. საგანმანათლებლო პროგრამის შემუშავებასა და ეფექტურ განხორციელებას კოორდინირებას უწევს პროგრამის ხელმძღვანელი - პროგრამის შესაბამის დარგში დოქტორის ან მასთან გათანაბრებული აკადემიური ხარისხის მქონე პირი უნივერსიტეტის პროფესორთა შემადგენლობიდან, ან შესაბამისი კვალიფიკაციის მონვეული პერსონალი.

6. საგანმანათლებლო პროგრამაში ცვლილებების განხორციელება წარმოებს „ თბილისის ღია სასწავლო უნივერსიტეტის საგანმანათლებლო პროგრამების შემუშავებისა და განხორციელების წესის“ შესაბამისად.

7. პროგრამის შეცვლის შემთხვევაში, უნივერსიტეტი უზრუნველყოფს თითოეული სტუდენტისათვის შესაბამისობების განსაზღვრას არსებული საგანმანათლებლო პროგრამის ფარგლებში გავლილი და ახალი საგანმანათლებლო პროგრამით გათვალისწინებული სასწავლო დისციპლინებს შორის, ასევე საჭიროების შემთხვევაში, სტუდენტისათვის ინდივიდუალური საგანმანათლებლო პროგრამით სწავლის შესაძლებლობას.

8. შეცვლილ საგანმანათლებლო პროგრამისათვის სტუდენტთან შეთანხმებით დგება ინდივიდუალური სასწავლო გეგმა.

9. იმ შემთხვევაში თუ სტუდენტს სურვილი აქვს სწავლა განაგრძოს სხვა უმაღლეს საგანმანათლებლო დაწესებულებებში, უნივერსიტეტი უზრუნველყოფს საგანმანათლებლო პროგრამის მიღწევად რეჟიმში სწავლებას, ყველა მსურველის გადაყვანის პროცესის დასრულებამდე.

10. საგანმანათლებლო პროგრამის გაუქმება შესაძლებელია:

- ა) იმ შემთხვევაში, თუ შესაბამის საგანმანათლებლო პროგრამაზე არ ირიცხება არც ერთი სტუდენტი;
- ბ) საგანმანათლებლო პროგრამა აღარ შეესაბამება კანონმდებლობის მოთხოვნებს;
- გ) საგანმანათლებლო პროგრამის განხორციელება არ შეესაბამება უნივერსიტეტის მისიას;
- დ) კანონმდებლობით გათვალისწინებულ სხვა შემთხვევაში.

10'. მე-18 მუხლის, მე-10 პუნქტით გათვალისწინებულ შემთხვევებში პროგრამის გაუქმების შესახებ საბოლოო გადაწყვეტილება მიიღება: შრომის და საგანმანათლებლო ბაზრის მოთხოვნების, დაინტერესებული სუბიექტების (სტუდენტები, კურსდამთავრებულები, დამსაქმებლები და სხვ.), გამოკითხვის შედეგების საფუძველზე.

11. ამ მუხლის მე-10 პუნქტის „ბ“ და „გ“ ქვეპუნქტების საფუძველზე პროგრამის გაუქმების შემთხვევაში, უნივერსიტეტი ვალდებულია პროგრამის გაუქმებამდე აცნობოს ამის შესახებ ხარისხის განვითარების ეროვნულ ცენტრს, მოახდინოს სტუდენტების ინფორმირება და დეტალურად გააცნოს მათ ინფორმაცია მსგავსი საგანმანათლებლო პროგრამების განმახორციელებელი უმაღლესი საგანმანათლებლო დაწესებულებებისა და მობილობის პროცედურის ყველა აუცილებელი ასპექტის შესახებ.

12. უნივერსიტეტი ვალდებულია ხელი შეუწყოს სტუდენტის მიერ გავლილი აკადემიური დისციპლინების მაქსიმალური მოცულობით აღიარებას, რისთვისაც ვალდებულია პროგრამის გაუქმებამდე გააფორმოს შეთანხმება სხვა უმაღლეს საგანმანათლებლო დაწესებულების საგანმანათლებლო პროგრამის მიზნებისათვის უნივერსიტეტში გავლილი პროგრამის სასწავლო კომპონენტების აღიარების თაობაზე.

13. სტუდენტების შემდგომი განათლებით უზრუნველყოფის მექანიზმები დეტალურად უნდა განისაზღვროს საგანმანათლებლო პროგრამის გაუქმებასთან დაკავშირებით მიღებული აკადემიური და წარმომადგენლობითი სენატის დადგენილებით.

მუხლი 19. ზოგადი მოთხოვნები საგანმანათლებლო პროგრამებთან მიმართებაში

1. საგანმანათლებლო პროგრამის სტანდარტი უმაღლესი განათლების სხვადასხვა საფეხურზე განსაზღვრულია „თბილისის ღია სასწავლო უნივერსიტეტის საგანმანათლებლო პროგრამების შემუსავებისა და განხორციელების წესით“.

2. სასწავლო კურსის განმახორციელებელი არ იზღუდება შეიტანოს სილაბუსში დამატებითი პუნქტები ან განახორციელოს ცვლილებები, შესაბამისი პროცედურების დაცვით, სემესტრის დასრულების შემდეგ, მომდევნო სემესტრის დაწყებამდე ერთი თვით ადრე.

მუხლი 20. საგანმანათლებლო პროგრამების შეფასება

1. საგანმანათლებლო პროგრამის შეფასება ხორციელდება ყოველწლიურად.

2. საგანმანათლებლო პროგრამის შეფასებას ახორციელებენ სტუდენტები, კურსდამთავრებულები, პერსონალი, პროგრამის ხელმძღვანელი, დამსაქმებლები და ა.შ.;

3. საგანმანათლებლო პროგრამის შეფასების ფარგლებში დგინდება არამართო საგანმანათლებლო პროგრამის პროდუქტიულობა, არამედ მისი განხორციელების მექანიზმების სისწორე და მისაღებობა სტუდენტების/პროფესორ-მასწავლებლების მხრიდან.

4. საგანმანათლებლო პროგრამის შეფასების ფარგლებში ჩატარებული გამოკითხვის შედეგების სანდობის უზრუნველსაყოფად გამოკითხვა ატარებს ანონიმურ ხასიათს.

5. საგანმანათლებლო პროგრამის შეფასების გამოკითხვას ატარებს ხარისხის მართვის დეპარტამენტი, რომელიც გამოკითხვის შედეგების შეკრების შემდეგ იღებს შესაბამის ქმედით ღონისძიებებს, საგანმანათლებლო პროგრამასთან მიმართებაში .

6. საგანმანათლებლო პროგრამის შეფასების შედეგები გათვალისწინებული უნდა იქნეს საგანმანათლებლო პროგრამის მოდიფიცირებისას.

მუხლი 21. საგანმანათლებლო პროგრამით გათვალისწინებული არჩევანის გამჭვირვალობა

1. საგანმანათლებლო პროგრამით გათვალისწინებული სასწავლო დისციპლინების არჩევანის გამჭვირვალობის მიზნით, სტუდენტს შეუძლია და აქვს საშუალება გაეცნოს საგანმანათლებლო (კურიკულუმი) და სასწავლო კურსის პროგრამებს (სილაბუსი).

2. კურიკულუმების და სილაბუსების გაცნობა შესაძლებელია უნივერსიტეტის ვებ-გვერდისა (საგანმანათლებლო პროგრამები და კატალოგი) და სასწავლო პროცესის მართვის ელ. პროგრამის საშუალებით;

3. სტუდენტს შეუძლია სასწავლო კურსზე დაშვების წინაპირობიდან გამომდინარე, სემესტრის დაწყებამდე, შეთავაზებული არჩევითი საგნების მოდულიდან გააკეთოს არჩევანი;

4. სტუდენტის მიერ გაკეთებული არჩევანის დარეგისტრირება და სტუდენტის სასწავლო ცხრილის ფორმირება ხორციელდება სასწავლო პროცესის მართვის ე. პროგრამის (emis. Openuni.edu.ge) მეშვეობით.

5. საგანმანათლებლო პროგრამებში გათვალისწინებული უცხო ენის სავალდებულო კომპონენტის შესაბამის დონეზე დაშვება ხდება ერთიანი ეროვნული გამოცდების შედეგების საფუძველზე, კერძოდ:

ა) თუ სტუდენტი საგანმანათლებლო პროგრამაზე ჩარიცხვის შემდეგ ირჩევს იმ უცხო ენას, რომელიც არა აქვს ჩაბარებული ერთიან ეროვნულ გამოცდებზე, მაშინ ენის შესწავლას იწყებს „საწყისი“ დონიდან;

ბ) თუ სტუდენტს ერთიან ეროვნულ გამოცდებში უცხო ენის გამოცდაზე მიღებული აქვს 60 ქულამდე უცხო ენის შესწავლას იწყებს „A1“ დონიდან;

გ) თუ სტუდენტს ერთიან ეროვნულ გამოცდებში უცხო ენის გამოცდაზე მიღებული აქვს 60 ქულაზე მეტი უცხო ენის შესწავლას იწყებს „B1“ დონიდან.

მუხლი 22. საგანმანათლებლო პროგრამის განხორციელების რესურსები

1. საგანმანათლებლო პროგრამა ხორციელდება უნივერსიტეტის აკადემიური, სამეცნიერო და მონვეული პერსონალის მიერ.

2. საგანმანათლებლო პროგრამის ხელმძღვანელის საკვალიფიკაციო მოთხოვნები განსაზღვრულია თბილისის ღია სასწავლო უნივერსიტეტის „**საგანმანათლებლო პროგრამების შემუშავებისა და განხორციელების წესით**“:

3. უნივერსიტეტში პროფესორის/ასისტენტის აკადემიური თანამდებობის დაკავების და მონვეული პერსონალის შერჩევის წესი განისაზღვრება უნივერსიტეტის დებულებითა და სენატის მიერ დამტკიცებული „პერსონალის მართვის წესით“.

მუხლი 23. საგანმანათლებლო პროგრამების აღიარების ზოგადი პრინციპები

1. საგანმანათლებლო პროგრამის აღიარება გულისხმობს უნივერსიტეტში ჩარიცხული სტუდენტის მიერ სხვა საგანმანათლებლო პროგრამის/პროგრამების ფარგლებში მიღწეული სწავლების შედეგების შედარებას უნივერსიტეტის იმ პროგრამით გათვალისწინებულ სასწავლო დისციპლინებთან, რომელზედაც სტუდენტი აგრძელებს სწავლას, რის საფუძველზეც უნივერსიტეტი იღებს გადაწყვეტილებას სტუდენტის მიერ სხვა საგანმანათლებლო პროგრამის ფარგლებში მიღებული კრედიტების თავისი საგანმანათლებლო პროგრამის მიზნებისათვის აღიარების შესახებ.

2. საგანმანათლებლო პროგრამის აღიარების პროცედურის განხორციელების საფუძველზე უნივერსიტეტი განსაზღვრავს, საგანმანათლებლო პროგრამის რომელ დონეზე (სემესტრში) განაგრძობს სტუდენტი სწავლას და რამდენი კრედიტის დაძლევა არის აუცილებელი შესაბამისი კვალიფიკაციის მისაღებად.

3. აღიარებას ექვემდებარება:

ა) საქართველოს აკრედიტებული/აღიარებული უმაღლესი საგანმანათლებლო დაწესებულების პროგრამები.

ბ) არააკრედიტებული უმაღლესი საგანმანათლებლო დაწესებულებების მიერ განხორციელებული საგანმანათლებლო პროგრამების ის ნაწილი, რომელიც, კანონმდებლობით დადგენილი წესით, აკრედიტებულად ითვლება.

გ) არააკრედიტებული უმაღლესი საგანმანათლებლო დაწესებულებების მიერ განხორციელებული საგანმანათლებლო პროგრამა, სტუდენტის მიერ მხოლოდ ერთიანი ეროვნული გამოცდების გავლით სტუდენტის სტატუსის მოპოვების შემდეგ. ამ შემთხვევაში მიღებული უმაღლესი განათლების

სახელმწიფო აღიარებას, საქართველოს კანონმდებლობით დადგენილი წესით უმაღლეს საგანმანათლებლო დაწესებულებაში ჩარიცხვის შემთხვევაში, ახორციელებს საჯარო სამართლის იურიდიული პირი - განათლების ხარისხის განვითარების ეროვნული ცენტრი საქართველოს განათლებისა და მეცნიერების სამინისტროს მიერ დადგენილი პირობებით.

დ) უცხო ქვეყნის კანონმდებლობით აკრედიტებული ან აღიარებული უმაღლესი საგანმანათლებლო დაწესებულებების პროგრამები.

მუხლი 24. საგანმანათლებლო პროგრამის აღიარების პირობები

1. დაუშვებელია იმ საგანმანათლებლო პროგრამის აღიარება, რომლის დასრულების შედეგად სტუდენტს მინიჭებული აქვს შესაბამისი კვალიფიკაცია, გარდა ამ მუხლის მე-2 პუნქტით დადგენილი შემთხვევებისა.

2. ბაკალავრიატის საგანმანათლებლო პროგრამით სწავლის გაგრძელების შემთხვევაში უნივერსიტეტი აღიარებს სტუდენტის მიერ დიპლომირებული სპეციალისტის საგანმანათლებლო პროგრამის ფარგლებში გავლილ კრედიტებს, მიუხედავად იმისა, მიენიჭა თუ არა პირს შესაბამისი კვალიფიკაცია.

3. აღიარებას არ ექვემდებარება პროგრამები, რომლებიც, მოქმედი კანონმდებლობის შესაბამისად, არ განეკუთვნება უმაღლესი განათლების პროგრამებს, აგრეთვე უმაღლესი განათლების ის პროგრამები რომლებზეც ჩარიცხვა არ განხორციელებულა კანონმდებლობით დადგენილი წესით (არაკრედიტებული და თავისუფალი მსმენელის პროგრამები).

მუხლი 25. საგანმანათლებლო პროგრამის აღიარების წესი

1. პროგრამის აღიარება ხდება სტუდენტის მოთხოვნისა და მის მიერ წარმოდგენილი დოკუმენტაციის საფუძველზე, „სწავლის პერიოდში მიღებული განათლების (ECTS კრედიტების) აღიარების წესის“ შესაბამისად.

2. პროგრამის აღიარება შესაძლებელია განხორციელდეს სტუდენტის პირადი საქმის (აკადემიური ცნობის) შესწავლით, აგრეთვე შესაძლებელია მოიცვას სტუდენტის მიერ გავლილი საგნების ამსახველი დოკუმენტაციის (კურიკულუმი, სილაბუსები) შინაარსობრივი კვლევა.

მუხლი 26. საგანმანათლებლო პროგრამის დასრულება და კურსდამთავრებულისათვის კვალიფიკაციის მინიჭება

1. საგანმანათლებლო პროგრამა დამთავრებულად ითვლება, თუ სტუდენტი დააკრავებს:

ა) საბაკალავრო პროგრამაზე – არანაკლებ 240 კრედიტს.

ბ) სამაგისტრო პროგრამაზე - არანაკლებ 120 კრედიტს.

2. სწავლის შესაბამისი საფეხურისათვის დადგენილი კრედიტების მოპოვების შემდეგ პირს ენიჭება შესაბამისი კვალიფიკაცია და ეძლევა უნივერსიტეტის რექტორის მიერ დამტკიცებული და საქართველოს განათლებისა და მეცნიერების სამინისტროსთან და საქართველოს ფინანსთა სამინისტროსთან შეთანხმებული, დადგენილი ფორმის დიპლომი, თავისი დანართით.

3. იმ შემთხვევაში, როცა კურსდამთავრებულის GPA (შემაჯამებელი) არის არანაკლებ 3,5 - გაიცემა დიპლომი წარჩინებით; სხვა შემთხვევაში - ჩვეულებრივი დიპლომი;

მუხლი 27. სწავლის საფასური

1. უნივერსიტეტში სასწავლო პროგრამის ღირებულებას განსაზღვრავს უნივერსიტეტის რექტორი.

2. სწავლის საფასურის გადახდა ხდება სემესტრულად, ადმინისტრაციული რეგისტრაციისათვის დადგენილ ვადებში (სტუდენტთან შეთანხმებით შეიძლება დადგინდეს სწავლის გადახდის ინდივიდუალური გრაფიკი, რომელიც ფორმდება ცალკე შეთანხმების სახით). სემესტრში პროგრამით განსაზღვრული სტანდარტული და სტანდარტულზე ნაკლები დატვირთვის შემთხვევაში სტუდენტი იხდის წლიური საფასურის ნახევარს. ხოლო სტანდარტულზე მეტი დატვირთვის შემთხვევაში სტუდენტი იხდის კრედიტების შესაბამისად. საგნის ხელშეორედ შესწავლის შემთხვევაში სტუდენტი დამატებით იხდის საგნის კრედიტის შესაბამის თანხას.

3. სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებასა და სწავლის რეალურ საფასურს შორის სხვაობა უნდა დაფარონ ადმინისტრაციული რეგისტრაციისათვის დადგენილ ვადებში;

4. სტუდენტის ჩარიცხვისას მისთვის განსაზღვრული სწავლის საფასური უცვლელია მისი საგანმანათლებლო პროგრამით გათვალისწინებული სწავლის ძირითადი პერიოდის უწყვეტობის

შემთხვევაში. სტატუს შეჩერებული სტუდენტისათვის სწავლის გაგრძელების უფლების მინიჭების შემთხვევაში, სწავლის საფასური განისაზღვრება სწავლის გაგრძელების მომენტისათვის მოქმედი ტარიფით.

5. პირმა, რომელსაც შეუჩერდა სტუდენტის სტატუსი, აღდგენის შემთხვევაში უნდა განაახლოს ხელშეკრულება უნივერსიტეტთან. სწავლის საფასური ამ შემთხვევაში განისაზღვრება სტუდენტის სტატუსის აღდგენისას მოქმედი ტარიფით;

6. დამატებით სემესტრში დარეგისტრირების შემთხვევაში სწავლის საფასური არ იცვლება და განისაზღვრება სტუდენტთან გაფორმებული ხელშეკრულებით განსაზღვრული ტარიფით;

7. სტუდენტს უფლება აქვს, სასწავლო პროცესის დაწყებიდან არაუმეტეს 2 კვირის ვადაში მოითხოვოს ადმინისტრაციული რეგისტრაციის გაუქმება. აღნიშნული ვადის გასვლის შემდეგ იგი კარგავს გადახდილი თანხის დაბრუნების ან მისი მომდევნო სემესტრებში გამოყენების მოთხოვნის უფლებას.

8. სასწავლო მომსახურების ფარგლებში, სწავლის საფასურთან ერთად სტუდენტი ასევე იხდის დიპლომის საფასურს.

მუხლი 28. სტუდენტის უფლებები

1. სტუდენტს უფლება აქვს მიიღოს მისი ინტერესების შესაბამისი ხარისხიანი უმაღლესი განათლება, აქტიურად იყოს ჩართული უნივერსიტეტის ყოველდღიურ საქმიანობაში.

2. დაუშვებელია სტუდენტების აკადემიური თავისუფლების, აგრეთვე „უმაღლესი განათლების შესახებ“ საქართველოს კანონით აღიარებულ სტუდენტის უფლებებში შეზღუდვა, თუ იგი არ ემსახურება სასწავლო პროცესის ორგანიზაციული საკითხების გადაწყვეტას, მაღალი ხარისხის სწავლების, დისციპლინისა და უსაფრთხოების უზრუნველყოფას, ან არ არის მიმართული ამ დებულებით დადგენილი უნივერსიტეტის მიზნებისა და პრინციპების საწინააღმდეგო საქმიანობის აღკვეთისათვის.

3. კანონმდებლობითა და უნივერსიტეტის სამართლებრივი აქტებით დადგენილ უფლებების გარდა უნივერსიტეტის სტუდენტი უფლებამოსილია:

ა) მოსთხოვოს უნივერსიტეტის ადმინისტრაციას კანონმდებლობით, უნივერსიტეტის სამართლებრივი აქტებით, სტუდენტთან დადებული ხელშეკრულებითა და საგანმანათლებლო პროგრამით განსაზღვრული ვალდებულებების შესრულება;

ბ) მიიღოს მონაწილეობა საგანმანათლებლო დაწესებულების აქტივობებში, ისარგებლოს უნივერსიტეტის სასწავლო და დამხმარე რესურსით, საბიბლიოთეკო, საინფორმაციო და სხვა საშუალებებით;

გ) მიიღოს უნივერსიტეტის ადმინისტრაციისგან ინფორმაცია თავისი უფლებების, საგანმანათლებლო პროგრამებისა და უნივერსიტეტის სხვა რესურსების შესახებ;

დ) თავისუფლად გამოხატოს საკუთარი აზრი და დასაბუთებული უარი თქვას იმ იდეათა გაზიარებაზე, რომელსაც სთავაზობენ სასწავლო პროცესის მიმდინარეობისას;

ე) დადგენილ ვადაში აირჩიოს საგანმანათლებლო პროგრამის არჩევითი კომპონენტები, ან მონაწილეობა მიიღოს ინდივიდუალური საგანმანათლებლო პროგრამის შემუშავებაში, კანონმდებლობით დადგენილი შეზღუდვების გათვალისწინებით;

ვ) მიიღოს მონაწილეობა უნივერსიტეტის მიერ განხორციელებულ აკადემიური პერსონალისა და სასწავლო პროცესის შეფასებაში;

მუხლი 29. სტუდენტის მოვალეობები

უნივერსიტეტის სტუდენტი ვალდებულია:

ა) დაიცვას კანონმდებლობის, უნივერსიტეტის დებულების, უნივერსიტეტის სხვა სამართლებრივი აქტების მოთხოვნები და შინაგანაწესი;

ბ) შეასრულოს საგანმანათლებლო პროგრამით დადგენილი აკადემიური მოთხოვნები;

გ) შეასრულოს უნივერსიტეტთან დადებული ხელშეკრულებით ნაკისრი ვალდებულებები;

მუხლი 30 . ხელშეკრულება

1. უნივერსიტეტი სტუდენტთან დებს ხელშეკრულებას (კონტრაქტი).

2. ხელშეკრულება იდება მთელი სწავლების პერიოდის ვადით.

3. დაუშვებელია ხელშეკრულებით გათვალისწინებული სწავლების ფასის გაზრდა სწავლების უწყვეტი პერიოდის განმავლობაში, გარდა კანონმდებლობით დადგენილი პირობებისა.

4. ხელშეკრულება ხელმოწერილი უნდა იყოს უშუალოდ სტუდენტის მიერ, თუ სტუდენტი 18 წლის ასაკს მიუღწეველი პირია, ხელშეკრულებას ხელს აწერს მისი კანონიერი წარმომადგენელიც.

5. ხელშეკრულება შესაბამისად ფორმდება ქართულ ენაზე (უცხოენოვან პროგრამებზე- სწავლების ენაზე) ორ ეგზემპლარად, ერთი ეგზემპლარი რჩება უნივერსიტეტს და იდება სტუდენტის პირად საქმეში, ხოლო მეორე გადაეცემა სტუდენტს.

მუხლი 31. გამოცდების ჩატარების წესები

უნივერსიტეტში გამოცდები ტარდება უნივერსიტეტის სენატის მიერ დამტკიცებული „გამოცდების ჩატარების წესის“ შესაბამისად.

მუხლი 32. დასკვნითი დებულებები

1. წინამდებარე წესს დადგენილებით ამტკიცებს უნივერსიტეტის სენატი.

2. წინამდებარე წესში ცვლილებების შეტანა ხორციელდება უნივერსიტეტის სენატის მიერ.